

卷八

疝氣 奔豚 陰痿 痰症

卷九 婦人科

帶 血枯 血崩 調經 受妊

妊娠 惡阻 安胎 小產 鬼胎

難產 血暈 胞衣不下

產後諸病 下乳

辨證奇聞

辨證奇聞目錄

卷一

傷寒門

中寒門

卷二

中風門

痺證門

脇痛門

頭痛門

腰痛門

六陳散

卷三

咽喉痛門

牙齒痛門

目痛門

耳痛門 附耳聾

血症門

偏身骨痛門

卷四

五鬱門

咳嗽門

怔忡門

驚悸門

心痛門

腹痛門

鼻淵門

口舌門

白膏藥

喘門

虛煩門

不寐門

狂病門

卷五

關格門

臑脹門

卷六

火熱症門

痿証門

卷七

瘰癧門

大瀉門

八仙藥酒方

卷八

大便閉結門

健忘門

呆病門

中滿門

厥症門

暑症門

消渴門

汗症門

痢疾門

癰疽門

呃逆門

翻胃門

春溫門

燥症門

五癰門

癰疽門

即痞塊也

小便不通門

內傷門

疝氣門

奔豚門

陰痿門

痰症門

卷九 婦人科

帶門

血枯門

血崩門

調經門

受妊門

妊娠惡阻門

安胎門

小產門

鬼胎門

難產門

血暈門

胞衣不下門

產後諸病門

下乳門

卷十 外科

背癰門

肺癰門

肝癰門

大腸癰門

小腸癰門

無名腫毒門

對口癰門

腦疽門

囊癰門

臂癰門

乳癰門

肚癰門

多骨癰門

惡疽門

疔瘡門

楊梅瘡門

脚疽門

療癰門

接骨門

物傷門

小兒科

驚疳吐瀉門

疹證門

腰疽門

鬢疽門

痔漏門

金瘡門

癰門

便蟲門

喫泥門

掌疽門

唇疔門

頑瘡門

九龍神針

刑杖門

痘瘡門

胎毒門

辨證奇聞卷八

疝氣門 附奔豚

太醫院院使錢湖氏錢松著

人有感侵寒濕。罌丸作痛。遇冷即發。痛不可忍。人以為濕氣之入於罌丸也。誰知是濕氣之入於腎經乎。夫濕浸於腎。宜病在腰。何以腰不痛而痛在罌丸乎。不知罌丸屬腎。腎氣不至罌丸。則外勢不能振興。腎氣之所以不至罌丸者。以腎得濕則寒。寒在腎即寒入罌丸也。腎熱則氣通於罌丸之外。腎寒則氣結於腰腎之中。如是則腎氣不通。宜罌丸之不應矣。何以腎寒而罌丸作痛耶。不知疝氣之成。雖成於腎氣之寒。亦成於罌丸之濕也。當日泄精之後。人坐於寒濕之區。內外兩感。而罌丸獨受之矣。治之法。溫其腎中之寒。消其罌丸之濕。病去如掃也。方用救丸湯。
肉桂二錢 白朮二兩 茯苓一兩 薏仁一兩 橘核一錢
水煎服。一劑輕。二劑更輕。三劑病除。十劑全愈。再不發也。此病乃少陰腎經之病。腎中寒極。而腎之氣不通。腎中濕重。而腎之氣更滯。去其寒濕。而腎氣自行於罌丸之內。況肉桂橘核尤善入罌丸。自然手到成功也。

人有感侵濕熱。亦罌丸作痛。遇熱而發。然痛不至甚。人以為熱氣之入於罌丸也。誰知是

熱氣之入於腎經乎。夫腎最惡熱。腎中虛火自旺。尚有強陽不倒之虛。況邪火相侵。安有恬然無恙者乎。故熱以濟熱。而罌丸作痛。烏能免哉。惟是火性甚急。火痛宜不可久。乃終年累月而不愈。即或暫時無恙。遇熱即發者。何為也。蓋因熱而又得濕耳。熱性急而濕性遲。濕熱交攻。熱欲散而濕留。濕欲潤而熱燥。罌丸之內。竟成陰陽之乖異。求其通也得乎。治之法。去濕熱之氣。而疝病自除矣。方用利丸湯。茯苓一兩 苡仁一兩 沙參二兩 水煎服一劑。輕二劑。又輕十劑。斷根不再發也。此方以茯苓苡仁分消其濕氣。以沙參而化其腎中之熱。且沙參又善於治疝。故兩用之。而功成耳。

人有罌丸作痛。氣上冲於肝。兩脇脹滿。按之益痛。人以為陰寒之在腹也。誰知是厥陰之氣受寒也。蓋罌丸不獨通腎。而且通肝。陰器者。宗筋之聚也。筋屬肝。而罌丸非筋之類。何以亦通於肝耶。不知罌丸可升可降。其膜實聯於陰器之間。故肝病而筋亦病。筋病而罌丸亦病矣。或謂罌丸既通於肝。肝病亦罌丸相關切。今罌丸痛而上冲於肝。又以罌丸之尅肝。恐罌丸非肝之所屬也。不知罌丸之痛而上冲於肝者。正濕同氣也。氣同者。其病亦同。非罌丸之冲於肝。實肝之氣冲於罌丸耳。方用引丸湯。白芍二兩 小茴香三錢 橘核一錢 柴胡一錢 沙參五錢 水煎服一劑而痛少止。二劑而痛大止。三劑而兩脇之脹滿盡。

除四劑全愈。此方平肝之氣。肝平而氣不冲於睪丸。而睪丸又得小茴香、橘核、沙參之類。散其睪丸之邪。則兩丸安奠。何至上下兩連之痛哉。

人有膀胱閉癰。小水不利。睪丸率通連於小腸。相掣而疼者。人以為小腸之氣也。誰知是膀胱之熱結乎。夫膀胱主化水者也。膀胱寒則水不化。膀胱熱則水亦不化。水不化則熱結於膀胱。而水必分於經絡。水入睪丸。而丸乃日大。往往有囊大如斗而不能消者。是必分消其水矣。然而但消其水。而不解其熱。則膀胱之火直趨於睪丸。其疼更甚。方用散丸湯治之。茯苓一兩。杜若根枝一兩。沙參一兩。水煎服。一劑而痛除。二劑而丸漸小。連服二劑。水泄如注。而囊小如故矣。此方之奇。奇在杜若。非家園之杜若也。乃田野間所生藍菊花是也。此物性寒。而又善發汗。且能直入於睪丸之內。以散邪。故用以助茯苓、沙參。既利其濕。又泄其熱。所以建功特甚。惟是此藥發汗。服此方後。即用當歸補血湯數劑。以補氣血。則自無大虛之患也。

人有睪丸之謂者。藥為不疼不痛者。名曰木腎。乃寒極而氣不通也。此症初起。必感寒濕。因而行房。又感寒濕。則濕入於睪丸之中。而寒縮於睪丸之外道。至於不疼不痛也。此種疝氣。非用桂附。則不能直入睪丸。以通其氣。然而無散邪之藥。雖用桂附。止可與陽。而睪

丸之邪終必難散。且散邪之藥甚多。而能散單丸之藥甚少。此世人所以治木腎之病。不能多效耳。然而得其法正易也。方用化木湯。白朮二兩。附子一錢。肉桂一錢。杜若根一兩。柴胡一錢。水煎服。即擁被而臥。少頃身必發汗。必致雙腎之外。汗出如雨。而後止。一劑而即愈也。此方白朮利腰臍之氣。杜若根發單丸之邪。得附子肉桂通達內外。柴胡又解其肝中之濕。故一劑而奏功如神耳。

人有生狐疝者。日間則縮入而痛。夜間則伸出而安。且能強陽善戰。此乃真正狐疝。若日縮夜伸而不能久戰者。乃假狐疝也。假狐之疝。乃寒濕之疝。用前救丸湯治之即愈。至於真狐之疝。或於神道之旁而行房。或於星月之下而交感。乃崇憑之也。疝既不同。治亦宜異。大約狐疝淫氣未散。結於單丸之內。狐最淫而善戰。每於夜間以媚人。蓋狐屬陰也。狐疝日間縮入。不可以戰。戰則疼痛欲死。此崇禁之。凡崇亦屬陰。入夜則陰主令矣。人身之陽氣入於陰之中。陰與崇之陰相合。則同氣相得。而崇不禁焉。反得遂其善戰之歡。及至精泄而陽氣奔出。純陰無陽。又復作痛矣。治之法似宜祛逐其崇。然而崇之入也。必乘其虛不補虛而逐崇。又何能愈乎。方用逐狐湯。人參一錢。白朮五錢。茯苓五錢。肉桂三分。橘核一錢。白薇一錢。荊芥三錢。半夏二錢。甘草一錢。水煎服。連服四劑全愈。此方純助其

陽氣陽旺則陰氣自消而孤症不逐而自愈或謂夜伸善戰正陽火之旺也助其陽氣未必非增其妖氣也何以助陽而崇滅乎不知崇之附身邊抑其陽氣而不得出至夜而善戰者正陽鬱之甚借交合而聚於陰器之門乃陽旺之假象非陽之真旺也吾助其陽氣則陽氣勃勃陰崇何敢遏抑之乎況方中又益之舒鬱逐邪之味消痰解崇之品此陰不敵陽崇棄之而去矣非助陽而烏得奏功之神如此哉

奔豚

人有外感寒邪如一裹之氣從心而下直奔於陰囊之間名曰奔豚言其如豕之奔突其勢甚驟不可止遏痛不可忍人以為外寒之症也誰知是心包命門二經之火衰乎夫心包之火與命門之火一在心而一在腎二火未常不相通也有此二火相通於上下則寒邪不能侵二經火衰寒邪得而中之矣然寒氣入內宜先犯心何以反下趨於腎囊耶蓋腎氣虛寒而脾經又濕寒與濕同氣相親故逢濕則急趨而下勢甚便也此等之症疾如風雨之來每有迅不可防之機乃一時之暴病而非長年之久疾也似乎疝而非疝耳治之法不可作疝治補其心腎之虛溫其命門心包之火去其脾經之濕不必治奔豚而奔豚自愈也方用安豚丹治之

人參 五錢 白朮 五錢 肉桂 一錢 川藥 一兩 巴戟天 五錢

蛇床子三錢附子五分茯苓三錢遠志一錢甘草一錢水煎服二劑即安再二劑全愈此方補心補腎則心腎氣足而後用桂附熱藥始足以駕馭其猛烈之氣轉易祛邪然而邪勢既急而藥又過於猛烈則急以治急未免有太剛之懼加入甘草之緩緩急相濟而邪不難制斷無死閉之失也

人有小水甚勤墨丸縮入遇寒天而更痛人以為命門之寒也誰知是膀胱之寒結乎夫膀胱之化水命門之火化之也似乎命門寒而膀胱始寒膀胱之寒結獨非命門之寒結乎而孰知不然蓋膀胱亦能自寒也夫膀胱之所以自寒者多成於人坐寒濕之地寒氣襲入膀胱而不能散雖有命門之火而不能化此其故又何也蓋命門之火止能化內濕而不能化外濕耳外濕既留於膀胱勢必與命門之真火相戰邪盛正衰安得而不痛乎治之法必須用溫熱之味直入於膀胱之中以祛其寒濕則墨丸展舒痛不安而自止方用辟寒丹肉桂三錢茯苓五錢白朮五錢甘草一錢橘核三錢荔枝核三個搗碎水煎服二服即少減四服全愈此方妙在用肉桂為君既能溫命門之火復能祛膀胱之寒白朮茯苓又是利水之劑橘核荔枝核更善定墨丸之痛非肉桂相引亦不能直入而散其寒結也

陰痿門

人有交感之時。忽然陰痿不舉。有計引之。終不能鼓勇而戰。人以為命門之火衰也。誰知是心氣之不足乎。凡人入房而久戰不衰。乃相火充其力也。陰痿不舉。自是命門火衰。而何以謂是心氣之不足。不知心君火動而相火隨之。相火不過代君以行其事也。君火旺而相火又復不衰。故能久戰而不泄。否則君火先衰。不能自主。相火即從。通於其旁。而弱主無剛強之意。臣亦何能自振乎。即或臣挾天子以令諸侯。火動而心中搖搖。有如不能自主之勢。亦聽其權於相臣。只可暫興於一時。而不能久戰以圖歡也。故治陰痿之病。必須上補心而下補腎。心腎兩旺。而後補其命門之相火。則君明臣良。國祚可以久長。心靜腎動。命蒂亦可永遠矣。方用起陰湯。

人參一錢 白朮一兩 巴戟天一兩 黃芪五錢 北五味一錢 熟地一兩 肉桂一錢 遠志一錢 栢子仁一錢 山茱萸三錢 水煎服。連服四劑。而陽舉矣。再服四劑。而陽旺矣。再服四劑。必能久戰而不敗。苟能長服至三月。如另換一人。不啻重堅一番骨。再造一人身也。此方妙在大補心腎之氣。不十分溫命門之火。而火氣自旺。世人不識。補心以生火。則心氣既衰。而火旺則焚心矣。不識補腎以生火。則腎水既虧。而火旺則損腎矣。心焚而腎損。雖火旺何益乎。反足以燒乾陰血。勢必陽旺陰消。而不可

救吾道原有助陽之方。因恐賢知之士。恃之為愉愉之具。故前聖秘之而不言。而無如世風日下。縉紳士大夫。懇求方士。創造金石之方。反致殺人甚多。此吾夫子所深憫。故偶論及陰痿之症。而并傳此方。余不敢隱。因脩誌之。與其脩合金石之方。以取喪亡者。不若煎服此方。生津助陽之為得哉。

人有精薄精冷。雖亦能交接。然而半途而廢。或臨門即泄。人以為命門之火衰也。誰知是脾胃之陽氣不旺乎。夫脾胃屬土。土生於火也。脾胃之陽氣不旺。似乎仍是命門之火衰。不知命門之火。乃先天之火也。脾胃之土。乃後天之土也。後天之土。本生於先天之火。然而先天之火不旺。則後天之土不能生。補先天之火。正可生後天之土也。脾胃之土。雖屬後天。而其中未常無先天之氣。命門之火寒。則脾胃先天之氣。命門何能生哉。命門既不能生脾胃先天之氣。而脾胃後天之氣。益加衰微。欲其氣旺而能固精厚而不薄。烏可得乎。治之法。必須補先天命門之火。更補後天脾胃之土。則土氣既旺。而火又不衰。庶幾氣溫而精厚乎。方用火土既濟丹。

人參一錢 白朮一兩 山茱萸一兩 鬼絲子一兩 山藥五

錢 巴戟天一兩 肉桂一錢

水煎服。速服十劑。而精溫矣。服至三月。永不再弱。此方健脾胃

之土。而仍是補命門之火。在火無亢炎之禍。而在土無寒濕之災。濕氣去而精純。寒氣去

而精煖寒濕既除陰氣消亡而陽氣健旺何至成怯弱之羞哉

人有年少之時因事體未遂抑鬱憂悶遂至陽痿不振舉而不剛人以為命門之火衰也誰知是心火之閉塞乎夫腎為作強之宮技巧出焉藏精與志者也志意不遂則陽氣不舒陽氣即腎中之真火也腎中真火必受命於心心火動而腎火應之心火抑鬱而不開則腎火雖旺而不能應有似於弱而實非弱也治之法不可助命門之火如助命門之火則火旺於下而鬱勃之氣不能宣必有陽旺陰消之禍變生瘰疽而不可救矣宜宣通其心中之抑鬱使志意舒泄陽氣開而陰痿立起也方用宣志湯

草一錢

白朮三錢

生棗仁五錢

遠志一錢

柴胡一錢

當歸三錢

人參一錢

山藥五錢

巴戟

三錢

水煎服二劑而心志舒矣再服二劑而陽事舉矣不必多劑也蓋此病原因火閉而悶其氣非因火寒而絕其燼也故一升火而上騰不必大補火而始盛世多誤治為可慨也

人有天分最薄無風而寒未秋而冷遇嚴冬冰雪雖披重裘而其身不溫一遇交感數合之後即望門而流人以為偏陰之人也誰知是命門之火太微乎夫命門之火先天之火也世以為先天火衰乃天限之也非人力可以挽回誰知人力正可以勝天心哉蓋命門

之火。雖是先天之火氣。而後天功用。實可重培。星星之火。引之每至焚天。凡火猶然。豈真火反難引之乎。惟是命門藏於腎之中。乃無形之火也。有形之火。宜以火攻火。無形之火。宜以水引火。以火引火。而火反不旺。以水引火。而火自難衰。此補命門之火。與補他火。實有各別也。方用扶命生火丹。人參六兩。巴戟天一斤。山茱萸一斤。熟地二斤。附子二個。肉桂六兩。黃芪二斤。鹿茸二個。龍骨醋碎一兩。生棗仁三兩。白朮一斤。北五味四兩。肉苁蓉八兩。杜仲六兩。各為細末。蜜為丸。每日早晚各服五錢。服三月。堅而且久矣。此方填精者。補水以補火也。何又加入氣分之藥。不知氣旺而精始生。使但補火而不補氣。則無根之火。止能博旦夕之歡。而不能邀長久之樂。惟氣旺則精自旺。精旺則火既有根。自能生生於不已。況氣乃無形之象。以無形之氣。補無形之火。則更為相宜。所以精又易生。而火亦易長耳。

人有中年之時。陽事不舉。雖婦女捫弄而如故。即或振興已而衰敗。春興闌珊。絕無思想。縱加調笑。宛如枯禪。人以為操持之有定力也。誰知是心包之火氣太衰乎。夫心包之火。相火也。心包火旺。力能代君以行事故。君火動而相火即能充其力。以濟心君之歡。心包火衰。心火雖動。而相火力難上奉。夫君王有使之動而不動者。如相臣卧病。氣息奄奄。欲

其奮身勤王其可得乎。且心包之火與命門之火正相通也。命門寒而心包熱者有之。未有心包寒而命門獨熱者也。所以心包之火微有扶之而不起者。職此故耳。治之法溫其心包而不必溫其命門也。方用人參一錢。巴戟天一兩。肉桂三錢。炒棗仁五錢。遠志二錢。茯神一錢。良薑一錢。附子一錢。栝子仁二錢。黃芪五錢。當歸三錢。鬼絲子二錢。水煎服。連服十劑。興趣日生。服二十劑而陽旺不倒矣。此方名為救相湯。專治心包虛寒之症。不止振舉其陽也。方中雖治心包。實皆統治心者何故。蓋心包為心君之相。相臣之單寒終成於君俸之薄也。補其心君則君王富強。自多資錫之厚。不特得之以養身。更且受之以惠士。則相輔而理。安有孱弱之憂哉。自然奉命出戰。有冲鋒破敵之勇矣。

痰症門

人有腸胃之間。漚漚有聲。飲水而更甚。吐痰如湧。人以為痰湧之病也。誰知是胃氣之虛乎。夫胃為水穀之海。飲食無不入於胃中。遊溢精氣。上輸脾肺。而下輸膀胱。水精四布。五經並行。此胃氣之旺而然也。倘胃氣一虛。僅能消穀而不能消水。由是水入胃中。不存於胃。而下流於腸。故漚漚有聲也。其症初猶不覺。久之而水之精華變為混濁。遂成痰飲。團聚於呼吸難到之處。而上湧矣。然則痰之來也。由於胃氣之虛。而痰之成也。由於水氣之

盛治痰必先消水而消水必先健胃又何疑乎。惟是胃氣之衰非胃能自衰也。但補胃土而胃氣不能自旺。蓋胃氣之衰由心包之氣弱也。胃土非心包之火不生。補胃土必須補心包之火耳。方用散痰湯。白朮三錢 茯苓五錢 肉桂五分 陳皮五分 半夏一錢 薏仁五錢山藥五錢 人參一錢 水煎服。此方即二陳湯之變也。二陳湯助胃以消痰。未若此方助心包以健胃。又妙在肉桂不特助心包之火且能引茯苓白朮直入於膀胱以分消其水濕之氣而蒼仁山藥又能燥脾以洩其下流之水。水瀉而痰涎無黨不化痰而化精矣。豈尚有痰飲之不愈哉。

人有水流脇下咳嗽引痛吐痰甚多不敢用力。人以為懸飲之病也。誰知是胃氣之怯乎。夫飲水宜入於腸乃不入於腸而入於脇其胃氣之逆為何如乎。不知胃氣不怯則胃之氣不逆也。胃氣旺而水怯。胃氣怯而水旺。水旺之極胃怯之極也。胃逆之極水逆之極也。欲使水逆者而重歸於順必使胃怯者而重返於旺而後可。然而胃怯者易旺而水逆者難順耳。雖然水勢下行其性然也。導其水勢之下行提其胃氣之上升自然怯者不怯而逆者不逆也。方用弱痰湯。人參一錢 茯苓五錢 荊芥一錢 薏仁一兩 陳皮五錢 天花粉三錢 枳壳三分 白芥子二錢水煎服。此方上能消膜膈之痰下能逐腸胃之水助氣則